

Na osnovu članka 54. stavak 1. alineja d) Zakona o visokom obrazovanju („Narodne novine HNK“ broj: 4/12.) i članka 58. stavak 1. alineja d) Statuta Univerziteta modernih znanosti – CKM, Mostar, Senat Univerziteta, na sjednici održanoj 17.12.2014. godine, donio je

PRAVILNIK O POSTUPKU IZBORA I PRAVIMA PROFESORA EMERITUSA NA UNIVERZITETU MODERNIH ZNANOSTI – CKM, Mostar

Članak 1.

(1) Za dodjelu počasnog zvanja profesora emeritusa predlažu se posebno zaslužni umirovljeni redovni profesori koji su u dužem vremenu doprinikli unapređivanju i razvoju univerzitetske nastave, znanstveno-istraživačkog, odnosno umjetničko-istraživačkog rada i koji su stekli internacionalnu reputaciju.

(2) Kriteriji za dodjelu zvanja profesora emeritusa su:

- duže vrijeme uspješno provedeno u nastavi, ne kraće od 10 godina, na visokoškolskoj ustanovi na kojoj je kandidat imao status zaposlenika u radnom odnosu;
- period od najmanje 5 (pet) godina provedenih u zvanju redovnog profesora, tokom kojeg se posebno istakao svojim znanstvenim, odnosno umjetničkim radom u oblasti za koju je izabran;
- znanstveni doprinos kojim je kandidat javno afirmirao svoju znanstvenu oblast;
- umjetnički doprinos kojim je kandidat javno afirmirao svoju umjetničku oblast;
- izvođenje u svojstvu mentora magistara i doktora nauka u oblasti u kojoj se kandidatu dodjeljuje počasno zvanje profesora emeritusa;
- proizvođenje nasljednika u nastavi, znanosti i umjetnosti, odnosno koliko je za počasno zvanje profesora emeritusa ostavio umjetničko-nastavnog podmlatka u oblasti za koju je izabran na visokoškolskoj ustanovi na kojoj je kandidat imao status zaposlenika u radnom odnosu;
- znanstvene knjige i drugi objavljeni radovi značajni za znanstvenu oblast kandidata;
- javno predstavljeni oblici umjetničkog stvaralaštva koji su značajno doprinijeli razvoju kulture i umjetnosti.

Članak 2.

Profesor emeritus može biti angažiran:

- u nastavnom procesu u trećem ciklusu;
- kao mentor kandidatima za stjecanje stupnja doktora znanosti;
- kao član komisije u postupcima stjecanja stupnja doktora znanosti;
- kao član komisije za pripremanje prijedloga za izbor akademskog osoblja;
- kao član komisije za nostrifikaciju i ekvivalenciju inozemnih visokoškolskih diploma;
- u znanstveno/umjetničko istraživačkim projektima;
- kao nositelj kolegija / predmeta na I i II ciklusu studija, do izbora odgovarajućeg nastavnika.

Članak 3.

Univerzitet dodjeljuje počasno zvanje profesor emeritus po pribavljenim prijedlozima ustrojbenih jedinica visokoškolske ustanove.

Članak 4.

Ustrojbene jedinice visokoškolske ustanove obavezne su brinuti o tome kada pojedini njihovi zaslužni redovni profesori odlaze u penziju, pa prema tome uskladiti svoje prijedloge za dodjeljivanje zvanja profesora emeritusa.

Članak 5.

(1) Prijedlozi za dodjelu zvanja profesora emeritusa razmatraju se, prema zahtjevu ustrojbenih jedinica visokoškolskih ustanova, u toku kalendarske godine, a promocija profesora emeritusa vrši se na svečanosti sjednici povodom dana Univerziteta.

(2) Ustrojbena jedinica dostavlja Senatu, na propisanom obrascu, prijedlog svog nastavno-znanstvenog odnosno umjetničkog vijeća koji sadrži;

- detaljnu biografiju;
- popis radova;
- opis posebnih zasluga i kriterija utvrđenih člankom 1. Pravilnika;
- suglasnost predloženog umirovljenog redovnog profesora da mu se dodijeli zvanje profesora emeritusa;
- odluke znanstveno-nastavnog, odnosno umjetničkog vijeća još dvije članice kojima se podržava prijedlog ustrojbene jedinice-predlagača.

Članak 6.

(1) Po prijemu prijedloga iz članka 5. stavak 2. Pravilnika komisija Senata, koja je sastavljena od tri predstavnika iz znanstvene oblasti sa koje dolazi kandidat za profesora emeritusa i prorektora za nastavu, vrši ocjenu prispijelih prijedloga i njihove potpunosti i usaglašenosti sa zahtjevima iz ovog Pravilnika.

(2) Članovi Komisije imaju pravo tražiti od predlagača i dodatnu dokumentaciju o kandidatu za profesora emeritusa.

Članak 7.

Komisija iz članka 6. Pravilnika podnosi pismeni izvještaj s ocjenom i svojim mišljenjem, koji potpisuju svi članovi komisije, Senatu na odlučivanje.

Članak 8.

Umirovljenim rektorima dodjeljuje se posebnom odlukom, na njihov zahtjev, zvanje profesora emeritusa.

Članak 9.

Ovaj Pravilnik stupa na snagu osmog dana od dana donošenja.

Predsjedavajući Senata

prof.dr. Marko Matić, rektor

Broj: S-161/2014

Mostar, 17.12.2014. godine

Dostaviti:

- Oglasna ploča,
- a/a